

جریدہ علیہ

مشيخت جليلد اسلاميه نك جريدہ رسميه سبدر

ربيع الآخر ۱۳۳۸

عدد ۵۲

آيدہ بر نشر اول نور

شفي منہ

دین می ، دینسر لکمی ؟

برملتک یشامق ایچون محتاج اولدیغی عوامل حیاتک الک مهعی دین در . چونکه ؛
برهیئت اجتماعیته نک روابط اجتماعیسی نه درجه قوتلی بولنورسه بئیة حیاتی او درجه
صاعلام اولور . روابط اجتماعیته نک ایسه الک قویسی شهسز دین در .
تاریختک قید ایتمدیکی خارقلر الک زیاده اقوام متدینه دن ظهور ایتمش ، عالم انسانیته
مدار فخر و غرور اوله حق فضائل اخلاقیه ، هپ فردی ، معشری فضائلک منبعی اولان
دینه تمسک ایدن ملتدرده کورلمشدر .

اجدادیمزک کچوک برعشیرتدن معظم بردولت تشکیله ، چادرلری قوردقوری بر آوچ
طویراغه دنیانک الک فیاض ، الک نظریا ، الک زنکین کشورلری علاومه موفق اولملری
اکمل ادیان اولان دین مین اسلامک شعله هدایتدن مستنیر اولمردن نشأت ایتمشدر .
حیفاکه : هرمتفکری ، پیشگاه ابتصارنده ارتسام ایتدیردیکی معالی نورانوریه ناصیه سای
تبجیل و تکریم ایدن دین مین اسلامک هر امری ، هر نهی ارباب امتثال واجتناب
ایچون باعث فلاح و سعادت ایکن بوجهاتقیمت نعمت الهیه نک قدر بلندی تقدیر
ایده مه مکملک نتیجه ضروریسی اوله زق اجدادیمزک یوکسلدیکی ذروء علیای رفاه و سعادتدن
منظردهسی هر صاحب ادعای تدهیش ، هر صاحب وجدانی متأثر ایدن شوپستی سفالت
واضطرابه الیم بر صورتده سقوط ایلدک . حال بو ، که ماضیمز صباح نوبهار کی رونقدار ،
دوام موجودیمز براین ریاضیه کی آسکار ، ناصیه اقبال واستقبالیمز آفاق امید کی
منکشف و برانوار ایدی .

عجبا : عجیبات دماغیه من خراب می اولدی ؟ ملکات عقلیه مزده کی بوضالات نه در ؟
بر خصوصده اتحاد ایده میور ، برمشکل قارشیسنده صبر و متانت کوسترمیور ، کوندن
کونه مع الاسف ضائع ایتمکده بولندیغمز صفوت اخلاقیه مزک ضیاعی دولایسیله برتأثر
حسن ایتمیورز . عجبا : مجموع عصبی ملیمز دوچار استرخامی اولدی ؟ بئیة حیاتی برفلج
عمومی حاد استیلا ایلمش کی هیچ بر فعالیت ابرازینه مقتدر اوله میورز .

عجبا : الیمزده کی اراضینک قوای انبائیسی می دوچار ضعف اولدی ؟ سینۀ باکرنده کی
خزائن سامان می توکندی ؟ اجدادیمز هر صورتله مظهر موفقیات ایدن وانلردنده

بالطبع بزرگوار توارث وانتقال ایتمی ایجاب ایلین زکای نورامی انخساف ایلدی ؟ اوزریمزه چوکن کابوس فقر و ضرورتک تهییقندن بر درلو قورتیلامیورز .

بر بوم مشؤم کی اوتده بریده پیدا اوله رق سامعه خراش بر صورتده رفع صدای الحاد ایدن بعض اشخاص مضله نك تسویلانه صاقن قاپیلمايك ! معروض قالدیغمز مصائب متوالیه نك منشی حاشا دین دكل دینه قارشى آلمش اولدیغمز مسامحه کار وضعیتیمز در . دینك حقائقندن غافل اولدقلری قدر ادوار بعیده دن اعتبارا زمانزه قدر کذران اولان بر زمان متمدده انسانیتك محصول مساعیسی بولنان علوم و معارفه پیدای انتساب ایدمه یین او ارباب الحادده پك اعلا بیلرلرکه دینك بوکون نفوذ و حاکمیتی موجود دکلدر .

فی الحقیقه حاکمیت دینه موجود اولیدی . صلاة و زکاة کی ارکان اولینی بلااستثنا عموم طرفندن اجرا ایدیله رك مساجد و معابد محافظه موجودیت و معموریت ایلر ، فقرای اسلامیه دوشدکلری غیای سفالتدن چیقاییلمك امکانه مظهر اولورلر ایدی . حاکمیت دینه موجود اولمش اولیدی اشنع منکرات اولان مسکرات ، خش ، قمار علنا ایچیلمز ، علنا ارتکاب ایدلمز ، علنا اویناماز ایدی .

حق حاکمیت دینه موجود اولیدی متجسم بررغیظ مضمراولان ارباب الحاد و نفاق و بایه طوتولان فادرلر کی سوراخ فرصتده قیوریلیر قالیر ، بیک درلو ترهات و اراجیفی حاکی اوله رق یوکسه لن سسلری حنجره خصوصتلیخی قانسر کی کیمر مکدن بشقه بر اثر موجودیت کوستره مز ایدی .

نشر علوم و معارف ایچون چالیشلیدی ده دین انتشارینه می مانع اولدی ؟ تجارتخانه لر ، دارالصناعه لر کشاد ایلدی ده دین سدمی ایتدی ؟ مملکتک تزین و عمرانیله اوغراشلیدی ده دین حائلمی اولدی ؟ نهایت موجودیت ملیه نك محافظه سی ایچون الزم اولان اسباب و وسائل مدافعه یه تشبث اولندی ده برمساخ دینی می تصادف ایدیله مدی ؟

خایر ! اسلامیت ، لسان ارشاد و تربیتیه بیکرله نفوص حکمت اسماع ایدرکن کمال غفلتمزدن صماخ دقتمزی سد ایلدک وایدیورز .

اسلامیت ، اخلاصی مبدأ اعمال ، صدق میزان کلام ، عدلی دستور حرکت اعتبار ایتیش ایکن غشی فاتحه اقبال ، کذبى سرمایه مقال ، ظامی غایه خیال اوله رق کوستریورز .

اسلامیت ، انسانك كندی حقهده آرزو ایلدیکنی بشقه سی حقهدهده آرزو ایتمه سی ،
کندی حقهده روا کورم دیکنی بشقه سی حقهدهده روا کورمه سی برفضیت ایمانیه اوله رق
اعلان ایتش ایکن بن اییم سن کوتو ، بن یه ییم سن یه مه ! خرافه سنه ربط قلب ایلدیکمزی
احساس ایدیورز .

اسلامیت ، ایمانك فوقنده بریو کسکلك تصور اولینه میه جغنی بیان ایدرکن اوجوهر -
نورانی حامل اولدیغنی ادعا ایلدیکنی حالده هیچ یرحقارت وذلتن متأثر اولمایان معاذالله !
کندی کندی تکذیب ایتش اولمازی ؟

اسلامیت ، مؤمنی ، خلقك مال و جائی کندیسه امنیت ایتدیکنی ذات امین در دیه
تعریف ایدرکن هر کسك مال و جائیه سو قصه ایدن شخص لیسك دین ایلنه قدر علاقه سی
یولینه بیلیر ؟

اسلامیت ، مؤمنی ، برابر اوتوررسه كسكا منفعت بخش اولور ، برابر یوررسه كسكا منفعت
بخش اولور ، عقد شرکت ایلرسه كسكا منفعت بخش اولور ، مؤمن عینی منفعت در .
یوللو توصیف ایلرکن هر حال و کارنده سنی اضراده چالیشانه هانکی عنوانی موافق کوررسه ؟
اسلامیت ، مسلمانك سویلدیکنی وقت کوزل سویلدیکنی ، سویلنان سوزی صمیمیتله
دیگلدیکنی ، کورشلدیکنی زمان کولر یوز کورتردیکنی ، وعد ایدمك اولورسه همه حال
ایفای وعده شتاب ایلجه جکنی اخلاق حسنه سی نامه قید ایدرکن بد زبانلی ، صدای حق
و حقیقی اصفا ایتمه می ، کیمه تصادف ایتسه عضله وجهیه سنك تقلصات عبوسکارینه ارايه
ایلمک ، ایفاسنی بیکرله یمین ایلنه تأمین چالیشدین حالده وعدنده نهایت خلف ایتمکی برلازمه انسانیت
اعتباریه بکی بر نمونه ایمان فرض ایتمك فصل ممکن اولور . سیات اخلاقیه اوقدر چوغالمش ،
قلبلره اودرجه قسوت کلش ، ملکات عقلیه او مرتبه دوچار ضعف اولمش که ، حسنات
نامه نه ایشیدلسه اساطیری برسوز اوله رقی تلقی ایدیلور . ویرلان نصیحتلر ، نه درجه معقول
نه درجه مؤثر اولسه وجدانلرده بر تأثیر براقیور ، کوریلان فلاکتلر نه قدر آجی اولسه
حاقبتك وخامقی تصور اولنه میور .


ایشته بومؤلم حاللره بزه هب دینه قارشی اولان مبالا تسزلغمندن معروض اولیورز .
تدقیق فلسفی به حق تعمیق نظره بیه لزوم یوق . بر کرد باقهلم ! دکرلرک دینه اینك ،

کوکله یوکسلیمک کی فنک بیک درلو آثار حیر تجشاسنی ارئه صورتیه شهرام تمدند
قطع مسافه ، علوم وفنونه اکتساب ملکه ایلدک برینه اقامه براهین حسیه ایلدین ملتیرک آردسند
قاچ دانه دینمز وار ؟ نصرانیت حاضره ، انظار تجسس و تدقیق دوچار حیرت ایدن
ترقیات اجانبه برمانعه تشکیل ایتیورده دین حق و علم اولان اسلامیتی کذرکاه سعی ترقیمزه
انکل اولیور ! .

عقلمیزی باشیمزه آله لم : یمین ویساریمزه باقه لم ! دوشدیکمز شوزمین ذلت و حقارتدن
قالقمق ایسترسه ک دینمه درت ال ایله صاریه لم ! اودینه که انسانیت ظلمات وحشت و فترت
ایچنده شاشیروب قالمش ایکن شعله نورانوریه آفاق جهانی تنویر ایدرک شهرام ره
و خلاص کوسترمش ایدی . « افغیر دین الله ییغون ... »

دارالحکمة الاسلامیه اعضاسندن

ریحی



اسلام عالمیری و متفکرلری

۱

حجة الاسلام ابو حامد محمد غزالی

۲

غزالی عتیق :

غزالی « میزان العمل » ک آخرنده اهل تقلیدک ضلال اوزره اولدیغنی ، آنحق استقلال
افکار و حریت انظار ایله نجات حصول بوله جغنی [۱] واضع بر صورتده بیان ایدرک
متنبی نک آتی الذکر بیتله تمثیل ایدیور :

خذ ماتراه ودع شیأ سمعت به فی طلعة الشمس مایغنیك عن زخل [۲]

[۱] کا قال : و ستعلم فی عاقبة امرک ظلم قائدک فلا خلاص الا فی الاستقلال .

[۲] کوردیککی طوت ، ایشدیککی براق ؛ کونشک طوغمسیله زخله احتیاجک قالماز .

۲ مثل ضرب ایدیور ، بسترده حرة بعد من اولدیور